

Vwnzva Gijgwn Daegbied Gag Miz——

“Daizbyaeklaux Cuengh Yauz”

□ Maj Veiyungz comz hoiz



▲ Lwgmbwk Cuengh Yauz ang daihhek.

▲ Beixnuengx doxrop doxgingqlaeui.

◀ “Daizbyaeklaux Cuengh Yauz” hawj vunz myaiz raengh.



▲ Eu fwen gingq laeuj angqcoux baengzyoux.

“Daizbyaeklaux Cuengh Yauz” dwg Dava Yauzcuz Swciyen dieg “diegfuk ciengx ndang, mbanjranz feihgwn” neix gaiq baizgim lwenqda ndeu! Byafuzyungz mbanjgyaeu、naengj byagienj lujmba、gyaujswj nohbya nohyiengz、daeziengz fwngzgaem、nohyiengzgoeb Caetbak-rungh、gaeq cazgoujleixhom……Dan dingq gij cohbyaek neix couh hawj vunz bak mbuemj myaiz raengh.

Dava dwg aen mbanjranz souhyienz Cungguk miz Yauzcuz、Bouxcuengh、Bouxgun daengj 14 aen minzcuz doxcab comzyouq ndeu, ndaw yienh riuzcienz miz fwengeq saenzvah Baeuqroxdoh Bouxcuengh, fwengeq Mizlozdoz Bunujyauz, miz gij cienzdoengj laeujriu、gyau laux-doengz lauxgeng. Gij doxgaiq feihgwn Cuengh Yauz Dava daj Mingzciuz couh cienz roengzdaeuj, riengzdwk lizsij caemfouz gyoebbaenz cungj vwnzva feihgwn daegbied gag miz aeu “daizbyaeklaux Cuengh Yauz” guh daiqbiuj ndeu.

“Daizbyaeklaux Cuengh Yauz” dwg cungj vwnzva gijgwn gag miz beixnuengx Cuengh Yauz Dava youq ngoenznaengz dajcawj ndawde cug-ciemh gyoebbaenz ndeu, gungh miz 88 dauq byaekfeih, 118 cungj byaek, bau miz raemxcax、laeuj、byaek-deb’iq、byaek daegbied、raemxdang、byaekcaep、byaekndat、byaekhoengq nem byaek saejdaeuz 7 daihloih, binjloih lai yiengh, saek moq singjsien, feihdauh haekfeih, nyex vunz myaiz raengh. “Daizbyaeklaux Cuengh Yauz” gij liuhbyaek de ndujdaeuz cingqcingh、sengcingz seuqsat, cungj dwg Dava bonjdieg gag miz, miz gij bya’gyaeujloz Dava ndaw Dahraemxhoengz, miz gij yiengzbya Caetbakrungh、gaeqdoj Caetbakrungh ndaw Yangh Caetbakrungh, lij miz gij maenzhau gwnz bya sang Dava、

haeuxyangz fouz goenghaih、haeuxnaz miz sih lai Lungzgouj、byaekheu、raetgwn、moundaem doj、lwgrazbag daengj baenz bak lai cungj. Mwh dajcawj ganggouz feihdauh nyuenz miz, louz gij yingzyangj ndaw byaek-gwn lailai, mboujdan feihhaek daegbied, vanjliz ndaej doeng saimeg raeuj aendungx、bouj yaem coengh yiengz dem. Bi 2017 ndwen 9, “daizbyaeklaux Cuengh Yauz” ndaej Gvangjsih Dajcawj Gwnndoet Hangznieb Hezvei soengq hawj aen cwnghauh “Gijbyaek Mizmingz Byaekgveiq Guengjsae”; youq “2018 yiengq seiqgyaiq fatbough gijbyaek mizmingz Cungguk” hozdung ndawde, “daizbyaeklaux Cuengh Yauz”

Dava aeu ndaej aen cwnghauh “Gijbyaek Cungguk • Daengx Guek Rangh Sengj Gijbyaek Mizmingz”, baez daih’it ndaej senj hauej Cungguk gijbyaek mizmingz mingzloeg.

“Daizbyaeklaux Cuengh Yauz” dwg gijgwn haekfeih gyoebcomz gyoengq beixnuengx Bouxcuengh Bouxauz Dava, yienjok gij gietcomz dungxcaiz coengmingz song aen minzcuz neix, caemh daiq miz gij eiqsei minzcuz doxgiet caeuq doxgyau “baih mwngz miz gou, baih gou miz mwngz” haenx, yienh’ok gij vwnzva daegdiemj Dava gak cuz lwgminz vwnzva gijgwn gvangqlangh lai yiengh, hailangh bauyungz、lai cungj lai yiengh haenx.



▲ Byaekyiengh lwed-yiengzseng.



▲ Gijgwn cingqcingh bonjdieg vunz gyaez gwn.



▲ Haeuxfaengx Mbanj-cuengh noix mbouj ndaej.



▲ Ndoengjbyaek Boux-yauz yaek miz faenh.



▲ Yiengzbya Caetbak-rungh dingh aeu miz.



▲ Bouxhek angqyangz comz gwn.



▲ Laeujvan gingq baengzyoux.